

# Reglament per far diever dil Pistrin Sumvitg a Vuorz

## 1. General

La vischnaunca Vuorz, en quei cass representada entras la cumissiun digl arcun, metta a disposiziun il pistrin per diever public. Il reglament per far diever dil pistrin ei suttamess alla cumissiun digl arcun. Lezza (ni era ina tiarza persuna elegida dalla cumissiun) ei entras quei responsabla per la realisaziun dils puncts ch'ei numnai en quei reglament.

## 2. Princip

Cun far diever dil Pistrin s'oblighescha igl utilisader/l'utilisadra ad ina taxa da locaziun. Quella taxa ei da pagar avon il diever en daner blut. Per ina locaziun annuala tschenta la cumissiun digl arcun in quen ch'ei da pagar enteifer 30 dis.

## 3. Plan d'occupaziun

La cumissiun metta ensemen in plan d'occupaziun annual, el qual tut ils termins ein cunteni. L'actualisaziun da quei plan ei suttamess alla cumissiun digl arcun. La permissiun per in'utilisaziun regulada vegn dada per maximal in onn. Quella sa vegnir cumbinada cun obligaziuns. Permess che negina vart pretenda ina midada, sa quella permissiun vegnida prolunghida senza ina proxima damonda d'utilisaziun.

Il pistrin stat ils suandonts datums buc a disposiziun:

- duront reparaturas
- duront la revisiun
- duront la schubergiada

## 4. Damonda d'utilisaziun

Mintga damonda d'utilisaziun per il pistrin ei da plazzar aschi baul sco pusseivel alla cumissiun digl arcun. Per la dumonda d'utilisaziun ein exacts datums necessarias. L'annunzia da quellas datas giavischadas vegn era pretendida d'utilisaders per onn. L'indicaziun da quellas datas ei necessaria per la coordinaziun dil plan d'occupaziun.

## 5. Taxa da locaziun

- |   |            |
|---|------------|
| a) Far paun – per fuorn incl. lenna:  | frs. 16.—  |
| b) Far paun – per fuorn senza lenna (prender sez):                                    | frs. 8.—   |
| c) Far paun/far diever dalla localitad – 1 di senza lenna:                            | frs. 20.—  |
| d) Far paun/far diever dalla localitad per 1 onn<br>(annunziar datums tenor punct 4): | frs. 100.— |
| e) Cass spezials suenter cunvengnientscha cun la cumissiun digl arcun                 |            |

## 6. Funcziun

### a) Diever dil complex

L'avertura e la serrada dalla porta dil pistrin ei caussa dalla cumissiun. En cass d'exepziun sa l'avertura e la serrada dalla porta era vegnir confidada agl utilisader/all'utilisadra. La cumissiun ha da controllar la localitad suenter in'utilisaziun. Tier in'emprema utilisaziun ei ina persuna dil fatg responsabla per l'introducziun. Per gruppas stattan las portas serradas entochen che la persuna responsabla arriva.

### b) Diever dils utensils

Tut ils utensils e la vischala ein da duvrar cun quita. Ordvart il pistrin Sumvitg astgan ils utensils e la vischala buca vegnir duvrai. Far fiug sut la vanaun ei buc lubiu, damai ch'il bural da fem ei buca pli avon maun. Il zeiver grond sa era buca pli vegnir duvraus (buc ermetics). La vischala pintga (3 curtés) astga denton vegnir duvrada per la producziun da pasta.

### c) Survigilanza

Las prescripziuns ed instrucziuns dalla persuna responsabla ni dalla cumissiun ein da suandar.



---

*d) Scaldament*

Scaldar il fuorn ei caussa digl utilisader/dalla utilisadra. En cass d'exepziuns e suenter cunvegnientscha sa la cumissiun surprender il scaldament dil fuorn. Per quei survetsch vegn pretendiu ina taxa supplementara da frs. 30.--.

Tier in'utilisaziun comunabla dil fuorn entras pliras personas, han quellas da decider tgi che scaulda il fuorn. La persona responsabla vegn remarcada sil plan d'occupaziun.

*e) Schubergiar*

Il pistrin ei da schar anavos schubers e senza mendas. Restonzas dalla barschada ein d'allontanar ord il fuorn e ston vegnir deponidas el recipient da tschendra ch'ei pinaus (prighel da fiug). Il recipient da tschendra vegn svidaus dalla cumissiun. Suenter l'utilisaziun ein la vischala ed ils utensils da schubergiar e da metter anavos en lur plaz da deposit. Sch'il sustegn dalla cumissiun vegn duvraus extraordinari ditg, vegn pretendiu ina taxa supplementara da frs. 25.— per ura.

*f) Rumien*

Il rumien ei d'allontanar entras igl utilisader/l'utilisadra tenor lescha. Sacs da rumien san vegnir retratgs ella stizun dil vitg (VOLG).

*g) Ruaus, disciplina e pusseivladads da parcar*

Igl utilisader/l'utilisadra ei sez responsabels/responsabla per ruaus e disciplina ordvart il cumplex (era per il reglament da parcar). Parcadis ufficials ein buca en vischinonza (il proxim ca. 300m sut il pistrin tier la fermada digl auto da posta Crap Martin). Parcar silla fermada Sumvitg digl auto da posta ei buca lubiu.

*h) Mendas*

Ils cuosts da reparaziun en cass da mendas vegnan tschentai en quen agl utilisader/all'utilisadra.

*i) Clavs*

Per survegnir e per turnar las clavs dil pistrin, ei da prender si ad uras contact cun la cumissiun. En cass d'ina sperdita dallas clavs vegnan ils cuosts per ina substituziun dalla serradura tschentai en quen agl utilisader/l'utilisadra.

## **7. Disposiziuns finalas**

*a) Responsabladad*

Cuosts per donns vid il cumplex, las mobillas ed igl indrez sto pendi vid igl utilisader/l'utilisadra surprender. Donns ein da remarcar sil protocol da collaudaziun. Il pistrin astga mo vegnir duvraus per igl intent ch'ei cunvegnius el contract d'utilisaziun. Igl utilisader/l'utilisadra ei responsabels/responsabla ch'il pistrin vegni duvraus correctamein. Per donns caschunai (era da tiarzas personas) vid personas ni caussas durant l'utilisaziun dil pistrin, refusa la vischnaunca Vuorz mintga responsabladad

*b) Surdiever*

Ad utilisaders/utilisadras che suondan buca las perscripziuns dalla cumissiun digl arcun sa la concessiun vegnida retratga immediat.

*c) Autras disposiziuns*

Per tut il nunregulau vala il ZGB, OR ni las leschas dil cantun/vischnaunca.

Il president da vischnaunca: Luzi Pfister

La cumissiun digl arcun: Guido Dietrich, Lidia Gabriel, Regula Grischott